



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Introitu, Kyrie eleïson, & Gloria in excelsis. VIII.

urn:nbn:de:hbz:466:1-40262

20 Comment. in Rubr. Missalis. Pars I. Tit. VIII.

item in Festo S. Martini Episcopi in Dominica 22. post Pentecosten; vel cùm præcipitur Oratio, *Deus refugium*. Verùm in his casibus poterit sumi Oratio secreta Feria sextæ Cineruin, vel Dominicæ XXIII. velea quæ proximè sequitur, pro quacumque tribulatione, respectiuè ad ca-

sus prædictos; vt eadem sit regula in fauorem Orationis primæ, quæ non debet mutari: & ita accidit in praxi, quia Celebrans, qui non præuidit Secretas, dicit primam de Sancto; mox aduertens secundam esse eamdem, non potest non mutare secundam.

D.

*Ordo partium
missæ.*

VII - XIV.

De Introitu, Kyrie eleison, & Gloria in excelsis. VIII.

Iam aggredimus partes integrantes Missæ, quæ in primordijs Ecclesiae, ordinante Petro & Apostolis, dñæ tantum fuerunt, scilicet Consecratio cum verbis proprijs, & Oratio Dominicæ, *Gregor. Papa in Epistola ad Ioannem Episcopum Syracusanum*; cuius Missæ quasi vestigium remanet in Patasceue, in quatamen non fit consecratio. Idem Petrus Antiochiae addidit tres Orationes, *Innocent. III. in Prol. ad lib. Myster. Missæ*, Collectam, Secretam, & Postcommunionem, ex Lindano ad Liturgiam sancti Petri. Crescente verò cultu Christianæ Religiosi, adiecta sunt alia, quæ visa sunt decentius conuenire, quandoque alia

dempta, alia mutata in melius. *Lindanus* autem in *Apologia pro Liturgia sancti Petri Græca*, quæ valde similis est Gregorianæ, contendit probare, à sancto Petro fuisse præscriptam totam Missam Latinam, paucis exceptis; & successores eiusdem vel firmasse aliqua Decretis, vel restituisse neglecta, quod & nos cum Baronio suprà affirmauimus. Ab initio verò non erat tutum moram longam trahere in Sacrificio, ex *Simone Greco apud Lindanum ibidem*.

Nunc agamus de singulis iuxta titulos Rubricarum, dilatis causis de Christo mysticis in alteram Rubricarum generalium partem.

Introitus semper eodem modo dicitur cum ^t Gloria Patri, ut in Ordinario, præterquam ^t tempore Passionis, & in Missis ^u Defunctorum, ut etiam ibi annotatum est.

Introitus.] Vel quia introéunte Sacerdote ad Altare dicitur, qui paulò ante dixerat, *Introibo ad Altare Dei*. ita *Microl. de Eccles. obser. cap. 1.* vel quia sit quasi proœmium Missæ, *Conrad. lib. 1. Cerimon. cap. 1.* vel quia populo introéunte Psalmus cantabatur, *Rhenan. ad Tertull. de Cor. militis*. A S. Gregorio dicitur *Antiphona*, ab Ambrosianis *Ingressa*.

Componitur regulariter ex Psalmo Davidis, Versu eiusdem Psalmi, *Gloria Patri*, *Sicut erat*, & repetitione Psalmi. Dixi, regulariter ex *Psalmo: nam Cælestinus I. Papa constituit*, vt Psalmi centum quinquaginta ante Sacrificium cantarentur antiphonatim, quod anteā fiebat, ex *Dion. de Eccles. Hierar. cap. 3. & Cæsiano lib. 3. de Instit. Mon. cap. 11.* sed non ubique. Antiphonatim autem, hoc est, non totum Psalmum recitabant antiqui, vt aiunt quidam apud Radulph. *Propos. 23.* sed, ut docet Alcuin. loco citato,

tato, ex omnibus Psalmis excerptis
bant Antiphonas: Baronius tamen anno 418. explicat Decretum Cœlestini de toto Psalterio cum Antiphonis ante Missam cantando in Ecclesia Romana; & Bellarminus idem sentit lib. 2. de Missa cap. 16.

Irregulares vero Introitus sunt per pauci, qui non ex Psalterio, sed ex Prophetis, seu alijs Scripturæ libris sunt hauſti, ut in Nativitate Domini, *Puer, qui natus est, &c.* in Ascensione, *Viri Galilei, &c.* Versus tamen ex Psalmo qui cantabatur retinuit S. Gregorius Papa, ex Durando lib. 4. cap. 5. Duxi, *Versu eiusdem Psalmi*; quia quādō Introitus incipit à primo Versu Psalmi, tunc Versus Introitus est, qui proximè sequitur in Psalmo; quando vero incipit à Versu de sequentibus in Psalmo, Versus est idem, qui est primus in Psalmo. Exempla patent in Missali, nimirum in Nativitate Domini, *Dominus dixit ad me, &c.* Versus est, *Quare tremuerunt gentes.* in Dominica prima Aduentus, *Ad te lenam animam meam, &c.* Versus est de sequen-

tibus in Psalmo, *Vias tuas Domine, &c.*

[l. Gloria Patri.] Additum est quasi ad finem Psalmi, ex instituto Damasi Papæ: quamquā ante Damasum composita fuisse laus hæc fertur à Nicæna Synodo, inquit ab Apostolis, *ex Basilio,* eam fluxisse probat Baronius anno 325. Nicenum addidit, *Sicut erat, &c.* Baronius ibidem ex Conc. Vafen. can. 7.

De repetitione Psalmi, seu Introitus, Durandus & Radulph. locis citatis.

[t. Tempore Passionis.] Nam tunc omittitur laus Trinitatis, *Gloria Patri, &c.* ita Microl. cap. 52. tunc quia Introitus sunt de Passione Christi; tum quia, propter humiliationem capitis nostri proximam, omittenda est glorificatio sanctissimæ Trinitatis, in qua Filius Dei est idem cum alijs Personis diuinis: Prima causa redditur à Durando lib. 6. cap. 60. in Dominica de Passione, altera ab Amalar. de Eccles. Officiis lib. 4. cap. 20.

[u. Defunctorum.] Indicia lœtitiae omittuntur in his Missis, ad imitationem Officiorum quæ aguntur in morte Domini, Alcuin. circa finem libri.

2. *Kyrie eleison, dicitur nouies post Introitum, alternatim cum ministro, id est, ter Kyrie eleison, ter Christe eleison, ter Kyrie eleison.*

Post Apostolicos Hebraeos cœperunt Græci facere Missam Adriano Primo imperante, Duran. lib. 2. cap. 1. obiit ille anno Domini 140. Vox autem Græca *Kyrie eleison* inuenitur in Liturgijs S. Iacobi, & S. Marci, Durand. lib. 2. cap. 13. à Gracis Siluester ad Romanos eam transtulit, Radulph. Propos. 23. fuisse vero in vslu in tota Italia, testatur Concil. Vafen. can. 3. ante S. Gregorium 150. annis, ex Bellarmin. lib. 2. de Miss. cap. 16. idem) scribit Augustinus de omnibus Christianis, contra Pascenium Epist. 178. & signi-

ficat, ex eodem ibidem, Domine misere-
re. Nouies autem in Missa dici, docet Greg. lib. 7. Epist. 63. qui se dicit restituisse, non instituisse hunc ritum, cum alternatione partim à Sacerdote, partim à populo, quod non faciunt Græci; nimirum, ter *Kyrie*, ter *Christe* (quod etiam Romanorum est, non Græcorum) & ter *Kyrie*. Addit. Amalar. lib. 3. cap. 6. causam; quia ante omnem Orationem in specialem Sacerdotum, necesse est præcedere misericordiam Domini, ut serenetur mens Sacerdotis ad ea intendenda quæ ore dicit, & ut dignus

22 Comment. in Rubr. Missalis. Pars I. Tit. VIII.

sit Deum alloqui, & exaudiri. S. Thomas 3. p. quest. 83. artic. 4. notat (quod prius notauerat Innocent. III. lib. 2. cap. 19.) ter dici ad Patrem, ter ad

Filium Christum, ter ad Spiritum sanctum, additque S. Thom. ad significandum, quod omnes personae sunt in se inuicem.

3 Gloria in excelsis, dicitur quandocumque in Matutino dictus est Hymnus Te Deum, preterquam in Missa x Feria quintæ in Cœna Domini, & y Sabbati sancti, in quibus Gloria in excelsis dicitur, quamvis in Officio non sit dictum Te Deum.

Hymnus Angelicus ita dictus est, quia illum cecinere Angeli in Natiuitate Domini; cui addidere reliqua usque ad finem varij Doctores, ex Concil. Tolet. IV. can. 12. quo modo conciliari possunt qui eum tribuunt Apostolis, Clem. lib. 7. Constit. cap. 48. & qui Telephoro, Innoc. III. lib. 2. cap. 20. & qui Symmacho, Berno cap. 25. de Officio Missæ; & qui S. Hilario Pictaviensi, Alcuin. cap. de Cœloratione Missæ: qui verius in Latium transfluit, ait Bonitus ad Apost. Constit. Clem. cap. 47. lib. 7. Ut autem dicatur in Missa, constituit Telephorus, ex Innocent. loco citato, & ex Epist. 1. eiusdem Telephori. idem assertunt Damasus, Rabanus, & alii complures apud Duran. lib. 2. cap. 14. Symmachus præterea iussit recitari in diebus Dominicis, & in Natalitijs Martyrum, ex Alcuin. Amalar. & alijs; quia in Dominicis significatur Resurrectio Christi, per quam Sancti sociati sunt in gloria & laudibus Angelorum. Duran. lib. 4. cap. 13. tribuit Stephano Schulting. quod in Dominicis dicitur, & citat liberum Pontificalem Tom. 1. sua Bibliothecc. p. 1. cap. 26. Item in omni Festo

dicitur, quod plenum habet Officium, hoc est, nouem Lectiones (exceptus Aduentu, Innocentum Festo, & à Septuagesima ad Pascha) ex Decr. Leon. IX. teste Democh. Tom. 4. cap. 15. Microl. cap. 2. & 45. Item toto tempore Paschali, quod statum æternæ gloriae & pacis significat, Hugo Victor. lib. 2. cap. 4. Denique quando in Officio dicitur Te Deum, de Celebrat. Miss. cap. Consilium, ex Innocen. III. quia hi duo Hymni continent laudes sanctissimæ Trinitatis.

x Feria quintæ in Cœna Domini.] Dicitur Hymnus Angelicus in hac Missa, can. Porro. de Consecrat. Distinct. 1. ex institutione Nicolai Papæ; & quia gaudium ea die est ob institutionem Sacramenti, Duran. de Cœna Domini, & in Ordine Romano præscribitur.

y Sabbati sancti.] In cuius Missa ideo cantatur Gloria in excelsis, quia pax data est renatis fonte Baptismatis, & proxima est Resurrectio Salvatoris, Duran. de Missa Sabbati sancti. Pascha item dici potest præsens; Missa enim dicitur Resurrectionis, quæ nocte sequenti celebratur: & huius ritus meminit etiam Ordo Romanus.

4 In Missis Votivis non dicitur, etiam tempore Paschali, vel infra Octanas, nisi in Missa z B. Mariae in Sabbato, a & Angelorum: & nisi Missa b Votiva solemniter dicenda sit pro re graui, vel pro publica Ecclesiæ causa. Neque dicitur c in Missis Defunctorum.

Inno-

Innocentius III. in cap. *Consilium de Celebrat. Miss.* ait, in profectis (id est, procul à Festis) non dici Hymnum Angelicum apud Romanos, ut inter commemorationem & solemnitatem appareat differentia; & hoc assurit specialiter obseruati in Missis B. Mariæ; quod, ex Radulpho Propos. 13. debent obseruare, qui diligunt decorum domus Dei. Nam sicut decor est, illum in festiuitatibus recitare, ita decor est, illum omittere in diebus priuatis. iucundius etiam in festiuitatibus suscipitur, quod in profectis supprimitur, & tacetur. Hæc ille.

z. *Beata Maria in Sabbatho.*] Ita legendum omnino, non autem cum interpolatione, ut olim in Missalibus Venetis & alijs mendosis, in quibus legebatur hoc modo, nisi in *Missa beatae Mariæ, in Sabbatho*; superfluum enim esset illud in Sabbatho: nam vel intelligis de Missa in Sabbatho, quando de ea fit Officium in Sabbatho; & eo casu *Gloria* dicitur, quia in Officio dictum est *T' e Deum*, & pertinet ad Rubricam superioriorem num. 3. neque illa est Votiu: nam Votiu non concordat cum Officio, tit. 15. num. 5. Vel intelligis de verè Votiu: quæ dicitur in Sabbatho principalis de Adventu, de qua supra tit. 4. num. 2. & tunc additum fuisse in hac Rubrica, *Sabbato de Adventu*. Vel intelligis de merè Votiu, quæ ad libitum dicitur, etiam in Sabbatho, priuatum, & omnino discordante ab Officio: & eo casu sufficeret dixisse, in *Missa beatae Mariæ*, absolute, quocumque die dicatur. Ne igitur superfluat illud in Sabbatho, amoue comma, seu distinctionem, & dic, præscribi hoc loco, quod in Votuis beatæ Mariæ, quæ dicuntur in omni Sabbatho, etiam Adventus, Quatuor Tem-

porum, Vigiliarum, seu Festi Semiduplicis (non in alijs diebus extra Sabbathum) dicatur in ijs tantum Hymnus Angelicus; ita vt hoc ordine beatæ Virgini operam demus: Primo, in Festis ipsius cum Hymno Angelico, Symbolo Apostolorum, & Praefatione propria, quod nemo negat. Deinde, in Sabbatho (quod habere non nihil solemnitatis in honorem beatæ Virginis docuimus sup. tit. 4.) cum Hymno Angelico, & Praefatione propria, siue concordet, siue discordet Missa B. Virginis ab Officio, quod hoc loco piè conceditur omni Sabbatho. Tertio, in reliquis diebus & Votuis Missis eiusdem, dicatur tantum Praefatio propria eiusdem beatæ Virginis. Confirmatur hæc Rubrica ab alia, quæ habetur in Ordine Missæ in Missali post Hymnum Angelicum, videlicet: *Sic dicitur etiam in Missis beatae Mariæ, quando dicenda est, ergo non semper dicenda est, Gloria in excelsis.* Senitus autem horum verborum est: *Sic, id est, eodem modo, quo immediate supra descriptus est, dicendus est Hymnus Angelicus, non additis amplius ijs verbis, quæ ante Pium V. in dicto Hymno addebatur à Sacerdotibus in honorem B. Virginis: Quoniam tu solus Sanctus, Mariam sanctificans; tu solus Dominus, Mariam gubernans; tu solus Altissimus, Mariam coronas, & alia verba, quæ amplius non sunt in viu.*

Neque post recognitionem Missalis datus est hic Hymnus cuicunque Missæ de B. Virgine, quidquid in vulgaris sparserint aliqui, & falsò. Imò sacra Rituum Congregatio deleri iussit anno 1627. de quibuldam Calendarijs insigniorum locorum Decretum falsò adscriptum eidem Congregatio ni contra hanc Rubricam, de Hymno

24 Comment. in Rubr. Missalis. Pars I. Tit. VIII.

no Angelico in Votiuis beatæ Mariae.
a Et Angelorum.] Burchard. & me-
ritò, quia prima verba Hymni fuere
primò prolatæ ab Angelis, *Luc. i.*

b *Votua solemniter*, &c.] Suprà
diximus cum Innocentio III. omitti
Hymnum Angelicum in priuatis die-
bus, vt appareat differentia inter so-
lemnitatem & commemorationem. Si
ergo solemnitas adsit aliqualis; Vel ra-
tione temporis, puta, quia Sabbatum
dicatum beatæ Virgini; Vel quia eo
die obiit ille, de quo dicitur Missa,
quasi in eius Festo, licet non dicatur
Officium, ut in Ceremoniali suo Petrus
Ruiz notauit, & bene; Vel ratione cau-
ta grauis, aut publica, conceditur
Missa Votiuis Hymnus Angelicus.
Æstimatur etiam solemnitas ratione
loci, qua ratione Prinilegium dicitur
fuisse datum sacrosancta ædi B. Vir-
ginis Lauretanæ, vt ibidem in omni-
bus Missis B. Virginis dici queat *Glo-
ria in excelsis*; & habetur in *Synodo ultima Lauret.* tit. 11. num. 4. sub Card.
Roma. Res autem grauis ea est, pro
qua conuenit totus Clerus cum Epi-

scopo: si tamen paramenta adhibeantur violacea, tunc non dicitur *Gloria*, neque *Credo*. & sacra Rituum Con-
gregatio 19. May 1607. vtrumque declarauit: nisi in Dominica dicatur
Missa Votua solemnis; quia tunc di-
citur *Credo*. Quare ex dictis subla-
tum est Privilégium de *Gloria in ex-
celsis*, datum Minoribus ab Alexan-
dro IV. & Sixto IV.

c In Missis Defunctorum.] Hoc
notat Amalar. lib. 3. cap. 44. quia tunc
non est locus latitiae, quam indicat
Hymnus Angelicus: sicut nec in die-
bus luctus Aduentus, & Septuagili-
mæ ad Pascha.

Hoc loco addendum videtur, ne-
que dici, *Gloria in excelsis*, in Vigilia-
rum Missis quæ veniunt infra Octauam, licet in Officio dictum sit *Te
Deum*: quia hæ Missæ non concor-
dant cum Officio. Et habetur hic ritus
in Missali in Vigilia Apostolorum Pe-
tri & Pauli, & Assumptionis B. Virgi-
nis. continet enim Hymnus cælestem
gloriam, ex S. Thom. 3. p. 9. 83. art. 4.
quæ cum Vigilia non consonat.

De Orationibus. IX.

Oratio & Collecta idem eiusdem
vñus ab Apostolis, ex Orig. Ho-
milia 11. in Jerem. explicat Ordo Ro-
manus, quasi sic Collectio, vt Missa, &
Missio; vel quod ex diuinis Scripturis
colligatur Oratio; vel quia dicitur su-
per Collectam, id est, populum colle-
ctum, Alcuin. ubi sup. vel quia Sacer-
dos omnium preces in ea colligit, Mi-
crolog. c. 3. vel quia astantes se debet col-
ligere ut orent, S. Bonavent. de Myster.
Miss. dicitur etiā Benedictio ab Ama-
lar. 2. cap. 9. ex 1. Cor. 14. Brevis autem
est, ne multum loquentes oremus,

Matth. 6. Docet Dion. Epist. ad Demo-
phil. preces fieri ante mysteria. Ora-
tiones composuit Ambros. ex Gemma
lib. 1. c. 87. & in Missali Romano mul-
tæ sunt illius, vt suis locis indicabimus.
à Gelasio Papa auctæ & limata fue-
runt, ex Sigeb. anno Dom. 487. A. S. Gre-
gorio deinde, quibusdam additis, vel
detractis, in ordinem & librum Sacra-
mentorum redactæ, VV aliafr. Strabo
de Reb. Eccles. cap. 22. & Micrologus
cap. 61. Concilia, Carth. III. can. 23.
Milenit. can. 12. quibus aderat S. Au-
gustinus, reiçiunt non probatas.

1 In